

NOS MINISTERIO DI REINO

APRIL 2012

SIMAN DI 9 DI APRIL

Cantica 42 y Oracion

□ Estudio di Bijbel di Congregacion:

gt-PA cap. 98 (25 min.)

□ Scol di Ministerio Teocratico:

Lesamento di Bijbel: Jeremias 22-24 (10 min.)

Num. 1: Jeremias 23:15-23 (4 min. of menos)

Num. 2: Bida den e Mundo Nobo Lo Ta Laf? (5 min.)

Num. 3: Aplicando Conseho di Bijbel Por Mehora un Matrimonio—rs-S pag. 240 §2-5 (5 min.)

□ Reunion di Sirbishi:

Cantica 36

5 min: Anuncio.

15 min: Haci Bon Uzo di e Anuario 2012. Uza e ideanan principal di e “Carta di Cuerpo Gobernante” como introduccion di e discurso. Despues, pidi esnan presente pa relata algun experiencia of desaroyo animante for di “Aspectonan Sobresaliente di Aña Pasa.” Caba, pidi nan pa comenta riba puntonan sobresaliente di e rapport mundial. Na conclusion, anima tur hende pa caba di lesa e Anuario.

15 min: “Tres Sugerencia pa Mehora Nos Manera di Siña Hende.” Pregunta y contesta. Ora trata paragraf 2, tene un demostracion den cua un publicador ta considera e prome paragraf na pagina 3 di e buki *Bijbel Ta Siña* cu un doño di cas. Ora e publicador caba di lesa e palabras di Job 10:15 cita den e paragraf, e ta tuma casi dos minuut pa splica ken Job tabata. Despues puntra esnan presente dicon e manera di siña aki no ta eficaz, aunke e detayenan cu e publicador a duna di Job tabata corecto.

Cantica 10 y Oracion

Tres Sugerencia pa Mehora Nos Manera di Siña Hende

¹ Tur publicador ta maestro pasobra nan ta comparti informacion. Pues, sea cu nos ta predica pa prome biahna na un cas, ta haci un rebishita of ta dirigi un estudio di Bijbel, nos ta compar-

1. Dicon nos mester trata di mehora nos manera di siña hende?

tiendo informacion, anto informacion masha importante. Nos ta splica hende “e scriturana santo” cu por yuda nan bira “sabi pa salvacion.” (2 Tim. 3:15) Esaki sigur ta un gran privilegio! Pues, ban trata tres sugerencia pa mehora nos manera di siña hende.

2 Simpel: Ora nos ta bon familiarisa cu un tema, ta facil pa lubida con dificil e informacion por ta pa un hende cu no sa di dje. Pesey, ora nos ta dirigi un estudio di Bijbel, no agrega demasiado detaye na e informacion. Mas bien, resalta e puntonan principal. E echo cu un hende ta papia hopi no kiermen cu e ta duna mihor instruccion. (Pro. 10:19) Por lo general, ta mihor pa lesa solamente e textonan clave. Despues cu bo caba di lesa un texto, enfoca solamente riba e parti cu tin di haber cu e tema cu bo ta tratando. Na Mateo capitulo 5 te cu 7 nos por lesa e Sermon Riba Sero cu Hesus a duna. Ripara con el a siña berdadnan profundo na un manera simpel y cu poco palabra.

3 Ilustracion: Ilustracion ta stimula pensamiento, conmove sentimento y yuda un hende keda corda. Un bon ilustracion no mester ta un cuenta largo. Hesus a uza hopi biahna ilustracion cortico y facil. (Mat. 7:3-5; 18:2-4) Ilustracion ta referi tambe na plachi. Pues, dibuhonan simpel pinta riba un pida papel tambe por ta masha practico. Cu djis un tiki preparacion, nos por pensa riba ilustracionnan cu ta eficaz.

4 Pregunta: Pregunta ta obliga un studiante pa pensa. Pesey, tene pasenshi despues cu bo haci un pregunta. Si nos mes bira contesta, nos lo no sa kico e studiante mes a compronde. Si e contesta cu el a duna no ta bon, ta mihor gui'e na e idea corecto pa medio di preguntanan adicional en bes di djis corigie. (Mat. 17:24-27) Claro cu niun di nos no ta maestro perfecto. Pesey, Bijbel ta anima nos pa presta atencion constantemente na e siñansa cu nos ta duna. Esey lo trece beneficio eterno tanto pa nos como pa esnan cu ta scucha nos.—1 Tim. 4:16.

2. Con nos por siña hende na un manera simpel?
3. Dicon ta bon pa nos uza ilustracion, y cua ta esnan mas eficaz?
4. Con nos por haci bon uzo di pregunta?

SIMAN DI 16 DI APRIL

Cantica 26 y Oracion

□ Estudio di Bijbel di Congregacion:

gt-PA cap. 99 (25 min.)

□ Scol di Ministerio Teocratico:

Lesamento di Bijbel: Jeremias 25-28 (10 min.)

Num. 1: Jeremias 27:1-11 (4 min. of menos)

Num. 2: Kico Nos Por Siña Tocante Maria for di e Relato di Bijbel?—rs-S pag. 228 §1-6 (5 min.)

Num. 3: Bijbel Ta Anima Nos pa Mustra Respet pa Hende di Edad (5 min.)

□ Reunion di Sirbishi:

Cantica 4

5 min: Anuncio.

10 min: Bira un Bon Maestro—Parti 3. Discurso basa riba e buki *Skol di Ministerio*, pagina 59-61.

20 min: “*Testigonan di Jehova—Un Historia di Fe Bibo, Parti 1: Nan Ta Sali for di Scuridad.*” Pregunta y contesta. Uza e informacion di e prome paragraf pa un introduccion cortico y esun di e ultimo paragraf pa e conclusion.

Cantica 43 y Oracion

Testigonan di Jehova

—Un Historia di Fe Bibo, Parti 1: Nan Ta Sali for di Scuridad

Bijbel ta asocia luz cu berdad, mientras cu scuridad, e ta asocia cu mentira. (Sal. 43:3; Isa. 5:20) Satanas a introduci scuridad na mundo ora el a gaña Eva, y cu tempo el a hinca mundo completo den scuridad. (Rev. 12:9) E DVD *Testigonan di Jehova—Un Historia di Fe Bibo, Parti 1: Nan Ta Sali for di Scuridad* ta conta den forma cronologico con luz spiritual a cuminsa sali for di scuridad. (Isa. 60:1, 2) Despues di a wak

e DVD, purba contesta e siguiente pre-guntanan.

(1) Con un scuridad spiritual profundo a desaroya despues di morto di e apostelnan? **(2)** Cuminsando for di si-glo 12, ki desaroyonan a yuda hende mira cu Iglesia no tabata siña e berdad? **(3)** Ken Henry Grew y George Storrs tabata? **(4)** Ki sucesonan den bida di Charles Russell tabatin un efecto profundo riba dje? **(5)** Ruman Russell, hunto cu su tata y algun conoci a forma un grupo pa studia Bijbel. Con nan a haci esey, y na ki conclusionnan biblico nan a yega? **(6)** Dicon e grupo di estudio di Bijbel aki a join e grupo di Nelson Barbour, pero kico a pone Ruman Russell separa for di e grupo ey? **(7)** Kico a sosode na juli di 1879 cu a marca comienso di un era nobo di luz spiritual? **(8)** Despues di esaki, kico e cantidad di Studiantenan di Bijbel cu a sigui aumenta a haci pa plama e bon noticia? **(9)** Kico e Studiantenan di Bijbel a spera for di hopi aña di antemano cu lo a bay sosode na 1914? **(10)** Despues cu Ruman Russell a muri, ki pruebanan e Studiantenan di Bijbel mester a enfrenta? **(11)** Kico e Studiantenan di Bijbel a haci despues cu Ruman Rutherford y su sencionan a sali for di prizon? **(12)** Con e DVD aki a aumenta bo aprecio pa Jehova su organizacion? **(13)** Con e DVD aki a fortalece bo determinacion pa sigui predica cu celo a pesar di obstaculo? **(14)** Con nos por uza e DVD aki pa yuda nos famia, studiantenan di Bijbel y otro personanan?

E prome Studiantenan di Bijbel a laga un bunita herencia spiritual pa nos. Aunque e mundo cu nan a biba aden tabata den scuridad spiritual, nan, cu celo y curashi, a sirbi como cargado di luz. Laga nos imita nan ehempel y “sigui cana como yiu-nan di luz.”—Efe. 5:8.

SIMAN DI 23 DI APRIL

Cantica 45 y Oracion

- ❑ **Estudio di Bijbel di Congregacion:**
gt-PA cap. 100 (25 min.)

- ❑ **Scol di Ministerio Teocratico:**

Lesamento di Bijbel: Jeremias 29-31
(10 min.)

Num. 1: Jeremias 31:15-26 (4 min. of menos)

Num. 2: Dios Ta Verwacht pa Cristiannan Warda Sabbat? (5 min.)

Num. 3: Di Berdad Maria Tabata un Virgen Ora El A Duna Luz na Hesus?—rs-S pag. 228 §7-8 (5 min.)

- ❑ **Reunion di Sibishi:**

Cantica 1

10 min: Anuncio. Tuma un of dos minuut pa menciona algun di e articulonan den e revisitanan di mei cu lo por interesa hende den boso teritorio. Despues, pidi e rumannan pa sugerir un pregunta cu ta lanta interes cu nan lo por haci a base di e articulonan relaciona cu e portada di *E Toren di Vigilancia*, y tambi un texto cu lo por lesa. Haci mescos cu e articulonan basa riba e portada di e *Desperad!* y, si tempo permiti, inclui un otro articulo for di cualquier un di e revistanan. Tene un demostracion con pa ofrece cada revista.

25 min: *"Nos Congresonan di Distrito Ta Duna Excelente Testimonio di e Berdad."*

Pregunta y contesta. Considera e "Recordatorionan pa Congreso di Distrito 2012" cu ta aplica na boso. Na paragraf 9, pidi e superintendente di sibishi pa splica con e congregacion lo bay parti e invitacionnan.

Cantica 20 y Oracion

RECORDATORIONAN PA CONGRESO DI DISTRICTO 2012

■ Orario di Programa: E programa lo cuminsa 1:20 p.m. tur tres dia. Portanan ta habri for di 12:00 p.m. Ora cu e musica di introduccion cuminsa, nos tur mester tuma asiento pa asina e programa por cuminsa na un manera digno. Diabierna y diasabra e programa lo caba 8:55 p.m. y diadomingo lo e caba 7:40 p.m.

Nos Congresonan di Distrito Ta Duna Excelente Testimonio di e Berdad

¹ E Israelitanan di antiguedad a reuni tres biaha pa aña pa celebra fiestanan cu Jehova a stipula. Maske ta hende homber so tabatin e deber di asisti, mayoria di biaha henter e famia a bay Jerusalem pa disfruta di e reunionnan gososo aki. (Deu. 16:15, 16) E ocasional ey a duna e pueblo oportunidad pa medita y combersa riba berdadnan spiritual importante. Cua ta algun di e berdadnan aki? Pa cuminsa, Jehova ta un Dios yen di amor, cu generosamente ta percura pa e necesidadnan di su pueblo. (Deu. 15:4, 5) Un otro berdad ta cu semper nan por a depende riba su guia y proteccion. (Deu. 32:9, 10) Tambe e Israelitanan por a medita riba e echo cu como e pueblo cu ta carga e nomber di Jehova, nan mester a refleha Jehova su husticia na e manera corecto den nan propio bida. (Deu. 7:6, 11) Awe, nos congresonan anual di distrito ta beneficia nos di e mesun manera.

1. Durante e fiestanan cu Jehova a stipula, e Israelitanan por a medita y combersa riba cua berdadnan spiritual importante?

■ Parkeermento: Luganan di parkeer lo ta gratis y lo ser ocupa segun e orden di yegada. Solamente esnan cu a haya un carnet por parkeer den e area reserva pa esnan deshabilita y esnan di edad avansa. Luganan di parkeer sa ta limita, pues ta bon pa nos bay mas tanto posibel hunto den un auto en bes di cada ken bin cu su mes auto.

■ Wardamento di Asiento: Bo por warda asiento solamente pa esnan cu ta biba den cas cu bo y esnan cu bin cu bo den e mesun vehiculo of esnan cu bo ta studiando cu ne actualmente.—1 Cor. 13:5.

2 E Programa Ta Yuda Nos Compronde e Berdad y Aplic'e: Na nos congresonan di distrito, nos ta disfruta di discurso, drama, demostracion y entrevista cu ta yuda nos comprende berdadnan biblico importante mas mihor y aplica nan den nos bida. (Juan 17:17) Jehova su organizacion ya a haci hopi trabou pa e congreso binidero. Nan a prepara e programa specialmente pa satisface e necesidadnan actual di hende rond mundo. (Mat. 24: 45-47) Bo ta ansioso pa disfruta di e programa?

3 Claro cu nos lo beneficia mihor di e programa si nos t'ei tur tres dia y presta bon atencion. Si bo no a hacie ainda, notifica bo doño di trabou cu lo bo tuma un par di dia liber. Percura pa sosega bon tur anochi pa bo por concentra durante e programa. Loke ta yuda hopi ruman presta atencion ta ora nan ta wak e orador y haci anotacion cortico. Percura pa bo telefon celular of pager no kita bo atencion ni di otro hende. Evita di papia of di manda mensahe via telefon. No come of bebe durante e programa, si no ta pa motibo medico of debi na demasiado calor.

2. Con e programa di e congreso di distrito lo yuda nos comprende e berdad y aplic'e?
3. Kico nos mester haci pa beneficia di e programa?

■ **Cuminda:** En bes di bandona e sitio di congreso pa bay busca cuminda durante pausa, bin cu algo di come. Bo por bin cu un jug chikito cu por bay bou di bo stoel. No ta permiti pa bin cu jug grandi di picknick, ni nada di glas na e luga di congreso.

■ **Donacion:** Nos por mustra aprecio pa e trabounan envolvi pa haci e congreso di distrito posibel mediante nos contribucion voluntario pa e obra mundial na e congreso. Mester skirbi tur cheque na nomber di "Watch Tower." Cuminsando e aña aki,

⁴ Den añanan sabatico, e Israelitanan tabata reuni pa scucha lesamento di e Ley durante e Fiesta di Tabernakel of Ramada. Henter famia tabat'ei, incluso e muchanan, "pa nan tende y siña." (Deu. 31:12) Ta un animacion pa mira famianan sintia hunto durante congreso y wak e chikitinnan keda lanta y presta bon atencion. Lo ta bon pa tur anochi boso repasa boso notanan y combersa tocante e puntonan cu mas boso a disfruta di dje.

Nos bon conducta den e area caminda ta tene e congreso ta dorna e berdad

"Locura ta mara den curason di un mucha", pesey mayoran no mester laga nan yiunan 'pa nan cuenta.' Ta bon pa tira bista riba nan, incluso riba esnan cu ta teenager, durante pausa y na hotel.

—Pro. 22:15; 29:15.

5 Nos Bon Conducta Ta Dorna e Berdad: Si nos ta asisti na un congreso na un otro stad of pais, nos tin cu corda cu nos bon conducta den e stad caminda ta tene e congreso ta dorna e berdad. (Tito 2:10) Personal di hotel ta tuma nota ora un grupo ta obedece e reglanan di hotel, ta tene pasenshi cu e trahadonan y trata nan cu cortesia. (Col. 4:6) Aña pasa, ora representantanen di sucursal tabata negosha cu un

4. Con mayornan por yuda nan yiunan beneficia di e congreso?
5. Con nos bon conducta ta dorna e berdad ora nos ta na hotel?

por haci donacion tambe cu debit of credit card.

■ **Accidente y Emergencia:** Si surgi un emergencia medico na e sitio di congreso, avisa un usher den bisindario y e lo notifica e Departamento di EHBO. Di e manera aki nos personal cualifica di prome auxilio por evalua e seriedad di e situacion y duna asistencia. Si ta necesario, e rumannan di EHBO mes lo yama 911. Asina nos ta evita cu e servicionan di emergencia ta haya demasiado yamada di telefon celular.

hotel, e director di benta a bisa nan: "Nos gusta pa boso hendenan keda na nos hotel pasobra nan ta amabel y tin bon manera. Anto semper nan ta trata nos trahadonan cu respet y ta cuida nos luga."

⁶ Nos ta bistu nos badge no solamente pa hala atencion na e congreso y pa e rumannan sa ta ken nos ta, pero tambe pa duna testimonio. Hende lo ripara cu esnan cu tin un badge di e congreso ta bistu nechi y modesto, nada na comparacion cu e estilo con cu ta y provocativo di mundo. (1 Tim. 2:9, 10) Pesey, nos mester presta atencion na nos manera di bistu y na nos areglo personal, incluso ora nos ta check in na hotel. Si nos yega hotel na short y flanel, esey lo no refleha e dignidad di e ocasion. Asta si e congreso ta den stadion, nos paña mester ta digno di un congreso. Si nos ta opta pa cambia paña despues di e programa pa bay come, nos mester corda cu ainda nos ta delegado di congreso y no mester bistu mucho informal.

⁷ Na e fiestanan cu Jehova a stipula, e Israelitanan a haya oportunidad pa tin aso-

-
6. Con nos manera di bistu por dorna e berdad durante nos estadia den e area di congreso?
 7. Con nos por disfruta di nos hermandad durante congreso?

■ **Remedi:** Si bo ta uza remedii, corda bin cu nan, ya cu esakinan lo no ta disponibel na congreso. Personanan diabetico cu ta uza hangua mester benta esakinan afo na un manera responsabel, ya cu nan ta caybou di desperdicio peligroso. No benta nan den coy sushi na e luga di congreso ni na hotel.

■ **Sapato:** Tur aña ta sosode accidente pa motibo di sapato inapropia. Pa preventi accidente, ta bon pa scoge sapato modesto cu ta keda firme na pia; esey lo yuda bo cana

ciacion edificante cu otro sirbidornan di Dios cu a bin for di otro parti di e pais y di mundo; esaki a promove union. (Echo. 2:1, 5) Durante nos congresonan di distrito, hende cu ta observa nos ta keda hopi biaha impresiona ora nan mira nos hermandad cristian unico. E ta un dushi aspecto di nos paradijs spiritual. (Sal. 133:1) En bes di sali bay cumpra coy come den pausa, nos por probecha di e oportunidad pa cera conoci y combersa cu nos rumannan rond di nos mientras cu nos ta come algo leve.

⁸ E manera bon organisa y na ordo cu nos congreso ta cana, hopi biaha ta impresiona hende cu ta observa nos, y mas aun ora nan haya sa cultur trabou ta voluntario. Bo

por 'pone bo mes disponibel' pa traha como voluntario na congreso? (Sal. 110:3) Tin biaha mayornan ta traha como voluntario huntu cu nan yiunan pa asina siña nan yuda otro hende. Si bo ta timido, e trabou di voluntario ta un bon manera pa conoce otro rumannan. Un ruman muher a bisa: "Aparte di mi famia y un par di amigo, mi no tabata conoce niun otro ruman na e congreso. Pero ora mi a yuda cu limpieza, mi a cera conoci cu hopi ruman.

8. Ki motibonan nos tin pa traha como voluntario na e congreso si nos por?

sin peliger riba trapi, lo evita cu bo sapato ta pega den rooster, etcetera.

■ **Hende Cu Tin Problema cu Oido:** Lo transmisi e programa riba un frecuencia FM. Pa bo por scucha e programa, bo tin cu trece un radio di bateria y earphone.

■ **Stroller di Baby y Stoel:** No trece stroller di baby ni stoel grandi cu por stroba otro hende na e sitio di congreso. Sinembargo, ta permiti stoel portatil di mucha of stoel pa den auto cu ta keda safe den asiento banda di e mayor.

Tabata masha dashi mes!" Nos lo tin hopi goso na congreso si nos haya mas amigo ora nos traha como boluntario. (2 Cor. 6: 12, 13) Si nunca bo no a traha como boluntario, puntra e ancianonan con bo por cualifica pa yuda.

9 Invita Hende pa Scucha e Berdad: Manera nos a bin ta haci ultimo añanan, tres siman prome cu congreso, nos lo tin un campana pa invita hende. E congregacionnan lo trata di parti e invitacionnan den mas tanto teritorio posibel. (Wak e cuadro "Con Nos Lo Ofrece e Invitacion?") Si resta invitacion, trece nan na e congreso. Otro delegadonan por uza nan pa duna testimonio informal durante e dianan di congreso.

¹⁰ Acaso e campana anual aki ta duna resultado? Na un congreso, un usher a yuda un pareja casa haya asiento. Nan a bis'e cu nan a haya un invitacion y "el a parce interesante." Nan a core 320 kilometer cu auto pa asisti! Den un otro caso, un ruman muher, trahando di cas pa cas, a duna e invitacion na un homber cu tabata kier sa mas tocante e congreso. Pues, e ruman a tuma un par di minuut pa papia tocante e invitacion cu ne. Un par di dia despues na e congreso, e ruman a mira e

-
9. Con nos lo invita hende pa asisti na congreso?
 10. Conta algun experencia cu ta mustra cu e campana anual di invita hende na congreso ta duna bon resultado.

■ Perfume: Mayoria di congreso ta tuma luga den edificacion cera caminda nos ta depende di airco. Pesey, lo ta amoroso di nos parti pa limita uso di perfume y colonia fuerte cu lo por causa reaccion alergico cerca esnan cu tin problema respiratorio of otro problema parecido.—1 Cor. 10:24.

■ Formulario Por Fabor Atende (S-43-PA): Mester uza un formulario *Por Fabor Atende* pa duna informacion relaciona cu cualquier persona cu mustra interes como resultado di testimonio informal durante e congreso. Publicadornan mester bin congreso cu un of dos di e formulario ey. Mester entrega formulario yena na e Departamento

Con Nos Lo Ofrece e Invitacion?

Pa nos por cubri henter e teritorio, nos mester ta breve. Nos lo por bisa algo asin'aki: "Con ta bay? Rond mundo nos ta partiendo e invitacion aki. Nos tin un pa bo tambe. Pa mas detaye lesa e invitacion." Sea entusiasma. Ora bo ta parti e invitacion durante weekend, bo por ofrece e revistanan tambe si ta apropiata.

homber huntu cu un amigo, y nan tabatin un di e publicacionnan nobo den nan man.

¹¹ E fiestanan santo tabata un manera amoroso cu Jehova a percura pa yuda e Israelitanan "sirbie cu sinceridad y den berdad." (Jos. 24:14) Nos asistencia anual na nos congresonan di distrito tambe ta yuda nos "sigui cana den e berdad" y ta un parti importante di nos adoracion. (3 Juan 3) Jehova bendiciona e esfuerzo cu tur esnan cu ta stima e berdad ta haci pa asisti na e congreso y pa beneficia plenamente di dje!

-
11. Dicon ta importante pa asisti na nos congreso di distrito anual?

di Literatura of na e secretario di bo congregacion ora bo ta bek den bo congregacion.—Wak *Nos Ministerio di Reino* di mei 2011, na Papiamento di Corsou, pagina 3.

■ Restaurant: Honra Jehova su nomber mediante bo bon conducta na restaurant. Ta un custumber pa duna 10 pa 15 porciento di tip pa e servicio ricibi.

■ Servicio di Boluntario: Si bo kier traha como boluntario, meld bo mes na e Departamento di Servicio di Boluntario na e congreso. Mucha bou di 16 año por traha bou di guia di un mayor of voogd, of di un adulto aproba pa un di nan.

SIMAN DI 30 DI APRIL

Cantica 43 y Oracion

❑ Estudio di Bijbel di Congregacion:

gt-PA cap. 101 (25 min.)

❑ Scol di Ministerio Teocratico:

Lesamento di Bijbel: Jeremias 32-34
(10 min.)

Repasso di Scol di Ministerio Teocratico
(20 min.)

❑ Reunion di Sribishi:

Cantica 21

10 min: Anuncio. Uza e sugerencia na pagina 8 pa demostra con por cuminsa un estudio di Bijbel riba e prome diasabra di mei.

10 min: Con pa Vence Obhecion Relaciona cu Religion. Discurso cu participacion basa riba e buki Rasonamento, na Spaño, pagina 317, paragraf 3, pa pagina 319, paragraf 3. Demostra un of dos sugerencia.

10 min: Kico Nos Ta Siña? Discurso cu participacion. Laga un ruman lesa Echonan 4: 1-13, 18-20. Analisa con e relato aki por yuda nos den sribishi.

5 min: "Dos Cen Preto." Discurso.

Cantica 13 y Oracion

Pesey, si ta "dos cen preto" so nos por contribui, nos mester corda cu si tur hende duna un tiki e ta rende bira hopi. Nos Tata celestial generoso ta keda contento ora nos ta duna di curason, pasobra "Dios ta stima hende cu ta duna cu alegría."—2 Cor. 9:7.

Repasso di Scol di Ministerio Teocratico

Lo considera e siguiente preguntanan na e Scol di Ministerio Teocratico durante e siman di 30 di april 2012. E fecha prome cu e referencia ta di e siman cu lo trata e informacion ya asina por haci investigacion tur siman ora ta prepara pa e scol.

1. Dicon e buki di Jeremias ta beneficioso pa nos? [5 di mrt, si-S pag. 129 §36]
2. Con Jehova lo por libra nos di persecucion awe? (Jer. 1:8) [5 di mrt, w05 15/12 pag. 24 §18]
3. Na ki tempo y con e unginan a regresa na e caminda of "bereanan antiguo"? (Jer. 6:16) [12 di mrt, w05 1/11 pag. 24 §12]
4. Dicon nos por bisa cu tin "enguente na Galaad" awe? (Jer. 8:22) [19 di mrt, w10-S 1/6 pag. 22 §3-pag. 23 §3]
5. Den ki sentido Jehova ta "arepentí" despues di pronuncia un huicio? (Jer. 18:7, 8) [2 di apr., jr-S pag. 151 cuadro]
6. Con Jehova a "engaña" Jeremias, y ki les nos por saca for di esey? (Jer. 20:7, BPK) [2 di apr., jr-S pag. 36 §8]
7. Den ki sentido e enemigonan di Israel a ser "santifica"? (Jer. 22:6-9, NW) [9 di apr., it-1-S pag. 1059 §5]
8. Dicon Jehova tabatin tur motibo pa bisa su pueblo di antiguedad: "Cu misericordia mi a hala bo"? (Jer. 31:3) [23 di apr., jr-S pag. 142-144 §8-11]
9. Den ki sentido un hende por tin e ley di Dios skirbi riba su curason? (Jer. 31:33) [23 di apr., w07 15/3 pag. 11 §2]
10. Cu ki proposito nan tabata traha dos documento di e mesun transaccion? (Jer. 32:10-15) [30 di apr., w07 15/3 pag. 11 §3]

SIMAN DI 7 DI MEI

Cantica 6 y Oracion

Estudio di Bijbel di Congregacion:

gt-PA cap. 102 (25 min.)

Scol di Ministerio Teocratico:

Lesamento di Bijbel: Jeremias 35-38 (10 min.)

Num. 1: Jeremias 36:14-26 (4 min. of menos)

Num. 2: Maria A Keda Semper Virgen?—rs-S pag. 229 §1-3 (5 min.)

Num. 3: Loke Hende Ta Haci Por Afecta Dios Su Sintimento?—Hues. 2:11-18 (5 min.)

Reunion di Sirbishi:

Cantica 51

5 min: Anuncio.

20 min: Bo A Purba Aplica Nan? Discurso cu participacion. Pa medio di un discurso, repasa informacion di e siguiente articulonan cu a sali recientemente den *Nos Ministerio di Reino*: "No Keda sin Papia" (km 10/11), "Wak pa Bo Golpinan Ta Bon Dirigi" y "Predica na 'Tur Sorto di Hende'" (km 1/12). Pidi esnan presente pa comenta con nan a purba aplica e sugerencianan di e articulonan aki y ki beneficio nan a saca.

10 min: Necesidad local.

Cantica 14 y Oracion

Anuncio

■ Oferta di literatura pa **april y mei**: *E Toren di Vigilancia y ¡Despertad!* Caminda hende muestra interes, ofrece e tratado *Bo Kier Haya Sa e Berdad?* y trata na cuminsa un estudio di Bijbel. Ora bo ta rebishita personanan cu a asisti na Memorial of na otro eventonan teocratico pero cu no ta forma parti di e congregacion, haci esfuerzo pa cuminsa un estudio for di e buki *Bijbel Ta Siña*. **Juni:** *Kico Bijbel Ta Siña Realmente?*

■ Congregacionnan por ahusta e programa di e reunion prome cu e siman di e congreso di distrito di manera cu nan por repasa e conseho- y recordatorionan tocante e congreso. Un of dos luna despues di e congreso, por uza e parti di necesidad local pa repasa e puntonan di e programa di congreso cu e publicadornan a haya cu ta util pa uza den sirbishi.

■ Si bo ta bay di biahe y tin plania pa bishita un congreso di distrito den un otro pais, bo por haya informacion util riba nos website jw.org, bou di e tab Lookup (Busca) na e link di Conventions (Congresonan).

■ Cuminsando na april, lo manda badge pa e congreso di distrito 2012 automaticamente hunto cu cargamento di literatura. No tin nodo di pidi esa-kinan. Si e congregacion tin mester di mas carchi, mester haci pedido pa esakinan riba e *Formulario di Pedido di Literatura* (S-14). Rumannan cu ta de-sea e pleistik pa e carchi mester haci pedido pa esa-ki via nan congregacion.

Algun Sugerencia

Pa Cuminsa Estudio di Bijbel Riba e Promesabre di Mei

"Hopi hende ta celebra e nacemento di Hesus, no ta asina? Pero bo no ta haya cu ta importante pa conmemora su morto?" Permiti e persona contesta y despues dun'e *E Toren di Vigilancia* di 1 di mei. Analisa hunto cu ne e informacion cu tin bou di e prome pregunta na pagina 10. Lesa por lo menos un di e textonan. Na final, traha afspraak pa considera e siguiente pregunta.

E TOREN DI VIGILANCIA 1 di Mei ANUNCIANDO EL REINO DE YEHOVA DIOS

"Tin masha hopi iglesia y denominacion religioso, y cada un tin su mes creencia- y normanan. Bo ta kere cu tur "cristian" realmente ta cristian? [Permiti e persona contesta.] Segun Hesus, esaki ta un di e cosnan cu ta identifica cristiannan berdadero. [Lesa Juan 13:34 y 35.] E revista aki ta analisa cinco declaracion cu Hesus a diciendo tocante con nos por identifica su berdadero siguidonan."

¡Despertad!® Mei

"Casi tur hende cu nos papia cu ne a yega di haya un trato inhusto na un dado momento den nan bida. Bo ta kere cu tin un solucion pa esaki? [Permiti e persona contesta.] Lesa kico e profecia aki ta bisa di e gobernante cu lo bay caba cu inusticia. [Lesa Salmo 72:11-14.] E revista aki ta trata e promesanan di Bijbel tocante un futuro caminda husticia lo reina."

Logronan Sobresaliente di December

Isla	Pio. Spec.	Pio. Reg.	Pio. Aux.	Publ.	TOTAL
Aruba	4	47	26	783	860
Boneiru	4	6	1	84	95
Corsou	4	138	23	1.605	1.770

Den luna di december 15 persona a batisa durante e assemblean di circuito cu a tuma luga na Corsou.